

太上玄靈北斗本命延生經註卷中 陰

傳洞真註

老君曰北辰垂象而眾星拱之

北辰者北帝也斗中帝星為之星主拱拱儀像論語云如北辰居其所而眾星拱之

一本作北辰在上者非

為造化之樞機

斗極位處帝居推運四序總生成之化正

二三月构建寅卯辰之位以生化萬物四

五六月构建巳午未之位以長養萬物七

八九月构建申酉戌之位以成熟萬物十

十一月构建亥子丑之位以收藏萬

物斗杓不運則四時不節五行不應則寒

暑失度陰陽不調則萬物不成所以為造

化之樞機也

作人神之主宰宣威三界統御萬靈

斗為人神之主宣布威令統御萬靈於三

界之內一本作宣威

判人間善惡之期

世人專行善事而多災禍者蓋善功未

足也善功既足則大福至矣有專行惡事

而享福者蓋其惡未滿也其惡既盈則大

禍至矣善惡之事所以各立期限者太上

有好生之德也為善者俟其大善具足為

惡者俟其改悔善惡之期斯可明矣若始

務為善以應難而後起悔心者則善功日

削惡簿添名若始為小惡而不見禍習以

為常者則罪惡漸增善簿除名是以小惡

不可不戒小善不可不為也過勿憚改改

之在急改悔之心宜在限內設若過期死

將及矣萬劫千生雖悔何追

司陰府是非之目

司者掌也掌陰府是非之項目明是辨非

智之端也君子臨民猶悉斯事況高真聖

哲乎一作句陰府者非

五行共稟七政同科

歲星屬木角斗奎井四宿同科熒惑屬火

尾室箕翼四宿同科太白屬金亢牛婁鬼

四宿同科辰星屬水星壁參軫四宿同科

鎮星屬土氏女胃柳四宿同科內房虛昴

星四宿謂之日宿乃太陽之舍配之屬火

心危畢張四宿謂之月宿乃太陰之舍配

之屬水四七之星并五行二曜謂之七政

皆與北斗同其科目也惟斗極總系中天

斡旋運度臨制四方以建四序均五行而

正天經也以貪狼主天巨門主地祿存主

火文曲主水廉貞主土武曲主木破軍主

金又貪狼屬水巨門左輔屬土祿存文曲

廉貞屬木武曲破軍屬金弼星屬火科曰

九辰為梵炁之宗七政乃元綱之主蓋言

此也

有迴死注生之功有消災度厄之力

斗星所主延生度厄保命益算消災散禍

扶衰是故有迴死注生消災度厄之功力

也

上至帝王下及庶人尊卑雖則殊途命分俱

無差別

旁通圖云漢明帝於終南山遇北斗七真

而問曰朕還屬上真管否七真曰子雖為

人主命與庶人一同帝乃再拜而求長生

遂得玄靈之訣所謂尊卑雖殊而命分無別之說明矣

凡夫在世近謬者多不知身屬北斗命由天府有災有患不知解謝之門祈福祈生莫曉歸依之路

夫人處世網之間未能存真鍊炁養道修真未免災患臨身雖然學道而道淺之人亦不免其災患故靈寶經曰末學之夫亦有疾傷在道者猶且不免况凡俗之人以名利役其身心以酒色搖其精髓朝暮惶馳不能少息厄會之時災患必至矣災患既至不知解謝之門惟專務巫祝禱祭邪神而巫祝小人妄說禍祟疾病危急惟命是聽乃烹宰大牢三牲以為祈禱或偶得自差便為受神之恩殆其死已則謂鬼不見赦費耗穀帛竭其錙囊貪著邪師心猶未足幸而得活遂復飢寒凍餓而死或劫割穿窬私濫喪身陷醜惡之刑皆由此也凡諸此者是不知解謝之門也知其門者則始於藥石藥石未瘳次禱祖先祖先未

應次求符法符法未驗必然獲罪於上天必命災於星數當求醮祭自認所屬本命星君解禳災數思愆省罪祈告斗官則可以消災解厄延生益算矣若進不以良醫藥石治病為功退不以祀祖先請法醮告

祈禳為意者是莫曉歸依之路則災將重矣病將危矣死將至矣可不痛哉此皆抱朴子之明言非敢妄釋

致使鬼神被繫

鄧都山有豁落北斗七元大將軍鬼官北斗君以分天曹地府之職凡生人七年一度追攝生魂赴北斗陰司考量其罪福如七年之內有善功者必增延祿壽名奏天曹七年之內如造惡事者小過減其算數大罪即使死已或罪中涉福福中涉罪或罪大福薄而生數未終考校未定則因追呼之次鬼繫陰司身臥疾病見受其苦受苦滿時將與人道相違死入陰司沉淪惡趣人身永革矣追鬼之法于生人起一歲丑亥生人起二歲寅戌生人起三歲卯酉

生人起四歲辰申生人起五歲巳未生人起六歲午生人起七歲卯子生人起一歲者至八歲當追鬼也又至十五歲復至二十二歲也以七歲為期耳如起二歲九歲復一追十六歲為二追二十三歲為三追

餘做此追鬼皆赴本命所屬官曹也人至追鬼之年多有災患矣惟積善之人或有免追者亦二限三限必須一追須用生鬼考其功過為之考炁三官九府五帝四司

同理此事每遇節歲皆悉攷定攷量未正須復再攷攷正方定毫分不差也追鬼之年則當行道誦經用消炁炁也又犯咒誓之厄或鬼神被繫於社廟靈祠或邪師咒

厭亦是矣禍患來纏或重病不痊或邪妖剋害連年困

篤累感迷遺

禍患者枷棒厄也重病者疾病厄也邪妖者精邪厄也困篤迷遺者六害厄也

塚訟徵呼先亡復連

塚者先亡墳墓徵呼者因陰司考誦乃追

追

及生人復連者先亡傳尸連累生人夫塚
訟之事非一而有多端令人千災百禍子
孫絕滅所為不成皆塚訟之由也大小塚
訟八十一條以人命有大墓小墓之會而
塚訟與矣其大略曰人之九祖七玄生存
之日過犯既多亡歿之後被諸考誦子孫
未與追贖冥漠得以怨定既處陰司無由
子沒是以天曹勘會誦及幽司官吏誦及
生人每於三元五臘之日引出責問勘會
子孫姓名墳墓所在結罪定名微呼後裔
以致延滅非細事也又陰陽安葬非宜皆
屬北斗九星之位以定天星地曜來山去
水取穴深淺明堂大小四象高卑五音向
背皆法斗宮吉則安寧凶則為訟至如葬
在水源殯當神廟墳塋穿敗棺槨損傷塚
墓相重新墳相犯如此之例百有餘件皆
為塚訟以害生人宜急須投告斗官祈求
消解
或上天譴責或下鬼訴誣
人之積罪造業不知改悔以致上天降罰

下鬼因得乘間所謂鬼伺災衰之際者是
也一本作所
若有此危厄如何救解急須投告北斗醮謝
真君及轉真經認本命真君方獲安泰以至
康榮

凡人有此災危急當投告斗宮認本命星
君看誦是經虔誠醮謝可得安泰以至康
榮也

更有深妙不可盡述


經不盡言祕藏內訣難以具道深妙

凡見北斗真形頂禮恭敬

道象無形應化而有是謂無象之象無形
之形無狀之狀非瞻仰之可求非違迎之
可取所謂真形者委悉而立順悉而生虛
空之體自然而然也以光明為主色象乃
分所以因形取號以象立名可名之名隨
用而出非常之名為名之耳故真形名號
存於我心道雖無心可求也道雖無情
恍惚有為外身而存真形在矣所當俯首
作禮而生恭敬之心

北斗第一陽明貪狼太星君子生人屬之

星君姓靈諱樵天樞字貪狼戴芙蓉之冠
執圭絳衣紫裙九色青帔躡鳳文之履變
形如曠野鬼神面青披赤髮向上左手持
白棒右手按前又真形戴九晨玉冠青羽
飛雲執斗中玄圖曰揀斗真人號玉皇九
晨君居太上宮青城玉樓中又曰樞宮大
聖魁星君又號扶真君靈神子配事于天
所主天元為天之太尉主劫會之期司政
糾非上總九天真中監五嶽飛仙下領
後學真人天地神靈功過輕重莫不隸焉
子生人所屬管太陽真君室壁奎婁四宿
并秦國徐州分野節候陽明春生萬物道
甲曰天英字子然諸在仙經隱名隨法立
號也星圓九百二十里然燈曰身星明暗
以驗之真符曰延生之符




北斗第二陰精巨門元星君丑亥生人屬之

星君姓育嬰諱激明光字巨門戴五色飛雲之冠紫衣黃裙七色錦帔躡虎文之履變形如美婦人被纓絡戴五色花冠執通明之扇以青衣女子侍從又真形戴玄精玉冠玄羽飛裳執五色羽節曰舉斗真人


號玉皇北俗二上晨君居中元宮五色玉樓中又曰璇宮大聖魁星君又號嬰真君真文子配事于地所主地元為天之上宰主權祿位上總天宿下領萬靈及學仙之人真仙之官莫不隸焉丑亥生人所屬管太陰

真君冒昂畢背四宿及楚國益州分野節候陰精秋收萬物道甲曰天住字于金星圍五百五十里然燈曰命星明暗以驗之真符曰度厄之符




北斗第三真人棟存真星君寅戌生人屬之星君姓歸弁諱處眾踏字棟存戴九色寶

冠黃衣青裙五色絳帔躡龍文之履變形如二十歲美丈夫花貌披草衣執筆多正面而立也又真形戴飛雲寶冠青羽飛裳執斗中青錄曰履斗真人號玉皇玉仙華晨君居真元宮黃臺玉樓中又曰璇宮大聖魁星君又號兆真君衛府子配事于火所主日元為天之司空主神仙上總九天高真中監五嶽靈山下領學道之人真仙之官莫不隸焉寅戌生人所屬管水星真君庚井鬼柳四宿及梁國冀州分野道甲曰天柱字子素星圍七百二十里然燈曰福星明暗以驗之真符曰保命之符




北斗第四玄冥文曲紐星君卯酉生人屬之星君姓靈樞諱樞天字文曲戴六色盤龍之冠白衣絳裙三色黃帔躡龜文之履變形如婦人面黑披髮執文字騎五色雲龍回視廉貞星又真形戴三華寶冠丹錦飛

裳執玄靈之節曰步斗真人號玉皇玄上飛華晨君居紐幽宮朱臺玉樓中又曰權宮大聖魁星君又號盤真君子惠子配事于木所主月元為天之遊擊主伐逆上總九天神鬼中領北帝三宮下領萬兆伐逆不臣誅以兇悖莫不隸焉卯酉生人所屬管火星真君星張翼軫四宿及吳國荊州分野道甲曰天心字子裘星圍八百里然燈曰祿星明暗以驗之真符曰益算之符




北斗第五丹元廉貞綱星君辰申生人屬之星君姓上開諱變字廉貞戴五色華冠青衣白裙四色絳帔躡雲文之履變形獨髻騎白龍戴七寶冠從者四人各執戟從下又真形戴七寶飛天之冠白錦飛裳執青悉錄籍曰躡紀真人號玉皇金綱七晨君居綱神宮素臺玉樓中又號衡宮大聖魁

星君又號蘭真君子衛子配事于土所主
江元為天之斗君主命錄籍中統鬼神簿
目下領學真兆民命籍諸天諸地莫不總
統辰申生人所屬管木星真君角亢房
四宿及趙國兗州分野節候丹元夏以長
養萬物道甲曰天禽字子公星圖七百二
十里然燈曰官職星明暗以驗之真符曰
消災之符




北斗第六北極武曲紀星君己未生人屬之
星君姓明靈諱昌上元字武曲戴鳳翔之
冠玄衣錦裙龍文虎帔躡花文之履變形
象頭人面仗劍披纓絡又真形戴飛精華
冠紫錦飛裳執斗中玉策曰步罡真人號
玉皇北辰飛華晨君居紀明官玄臺玉樓
中又號閻陽官大聖魁星君又號定真君
大車子配事于水所主河元為天之太常

主陞進上應元天上真中統五嶽飛仙下
領學者之身凡功勤得輪轉階級者悉總
之為己未生人所屬管土星真君心尾箕
斗四宿及燕國揚州分野節候北極冬以
收藏萬物道甲曰天輔字子卿星圖七百
里然燈曰壽星明暗以驗之真符曰散禍
之符



北斗第七天衝破軍闡星君牛生人屬之
星君姓玄樞諱開天徒字破軍戴七星之
冠丹衣錦裙虎頭文帔躡獅子文之履變
形猪頭人面手持歡喜團又變形披白素
衣口吐赤氣光明奪日立斗之頭又真形
戴九雲冠九色錦裳執揮神之衆曰乘龍
真人號玉皇總靈九元北蓋晨君居闡會
宮九層玉樓中又曰瑾光官大聖魁星君
又曰淑真君太廟子配事于金所主海元
為天之上帝主天地之機運如四時長短天

地否泰劫會之數莫不隸焉午生人所屬
管金星真君牛女虛危四宿及齊國豫州
分野執天關之柄推空洞之輪無時暫息
也道甲曰天衝字子翹星圖九百里然燈
曰婁妾星明暗以驗之真符曰扶衰之符



北斗第八洞明外輔星君
輔星如人間卿相星君姓精常諱上開字
正廷戴飛精寶冠九色鳳衣執火鈴變形
紫袍腰金懷頭執笏又各隨諸國率輔之
服曰遊行一命真人號玉皇帝尊元晨君
居帝席官紫館玉樓中號左輔星君乃斗
中之外輔總承眾事司察天下萬國九州
執政大臣罪禍功過適甲曰天内字天成
然燈曰穰謝眾災治病服藥明吉暗凶
又第八帝席官帝化日月水火斗中高皇
左夫人名太乙不啓珠字落之茂華紫錦

彼繡羽飛丹裙又輔兩二星一隱一現現者曰輔輔在武曲星之外傍也

北斗第九隱光內弼星君

弼星如人間卿相星君姓幽空諱冥陽暉字幽家戴飛天寶冠于執帝章變形緋衣執圭出五色之炁又各隨諸國宰臣之服曰緋徊三陽真人號玉皇帝貞元晨君居上尊宮紫館玉樓中號右弼星君乃斗中之內弼總承眾事司察天下萬國九州執政大臣罪福功過適甲曰天蓬字子俞然燈曰析福應投事務明言暗凶○又第九上尊宮帝化金石山河斗中高皇右夫人名太乙滌字靈音玄綠飾懷翠羽華裙右九夫人皆頽雲之誓又隱星曰弼星兩在巨門星之內傍也

上台虛精開德星君

中台六淳司空星君


下台曲生司祿星君


上台星君名虛精面赤色口吐赤炁散髮道裝執碧玉圭乘黑雲頂有黃炁中台星

君名六淳一名六亭面白色口吐白炁偏滿天下道裝執白玉圭乘白雲頂有白炁下台星君名曲生面小有光管千百炁如絲射暗立青炁中道服執青玉圭三台共有六星兩兩燿燿名曰天階在天曰三台在位曰三公在人曰三鬼列泰階以輔帝宸之席上台二星上星主帝王下星主女后中台二星上星主諸侯三公下星主卿大夫下台二星上星主士人下星主庶人也三台受虛无三炁明青黃白之正色乃調和陰陽之主也南斗經云南斗陶魂北斗鑄魄乃陰陽陶鑄之理也陰陽治鍊而生我神神之降胎方能生就台者胎也三而重之九炁斯得是以金樓玉室胞胎九重人稟質於陰陽而結魄於三台也鬼陽也動之以生鬼陰也靜之以鎮人之動靜不失陰陽之和者形固安矣有所謂三台生我養我護我者此也夫北斗宰御水源南斗宰御天府二斗者生成之大用也南斗正陽之火藏之於坎北斗真一之水藏

之於離二炁升降往來相合而成既濟萬物亨泰道之基也水一數也以五乘之即曰南斗六星火二數也以五乘之即曰北斗七星各去其五而有三三者生之數也三台在矣南北之星一十三座在人一身為一十三事太上曰生之徒十有三死之徒十有三事道也知之行之所以生也不知不行所以死也死生之柄陰陽之權也三台之星六座者三陰三陽也此言一十三星而三台不預者在其中矣台星有六而星君有三者三炁之分分而為六謂之六炁復合為三復合為三則六炁均調三才安泰三復化六六復化三天地長久無有窮極也

三台真符





如是真君名號不可得聞凡有見聞能持念者皆道心深重宿有善緣得聞持誦其功德力莫可稱量

三十六天星司命宸京保命大天帝君下傳北斗本命經曰昔

元始上帝在玉清黃極宮中演道之際有一真人名曰寶上諸天子中最高第一出班請問中天七星巍巍赫奕統御羣曜軒旋炁運斟酌死生威靈至重以何因緣而殊勝第一起自何劫始終之化願詳聞之上帝曰大哉汝之問也在昔龍漢有一國王其名周御聖德無邊時人稟壽八萬四千大劫王有王妃明哲慈慧號曰紫光夫人於塵劫中已發至願願生聖子輔佐乾坤以裨造化却被三千劫於此王世因上

春之日百花榮茂之時遊戲後苑至金蓮花溫玉池邊蛻服澡盥忽有所感生蓮花九苞應時開發化生九子其二長子是為天皇大帝紫微大帝其七幼子是為七星或善或惡化導羣情於玉池中經于七日

七夜結為光明飛居中極去地九千萬里化為九大寶宮二長帝君居紫微垣太虛宮中句陳之位掌握浮圖紀綱元化為眾星之主領也聖母紫光夫人尊號北斗九

真聖德天后也如是真君名號自非寶上啓陳玉清開演天皇親降授與天師世間無由知見矣所以見聞而能持誦者皆道心深重夙有善緣更能依經奉行功德不可思議

若正信男女值此真經智慧性圓若有信奉之人遇此真經也是以先事而知遇事而燭此性圓動如環無端而不凝滯於物也

道心開發
道心者此心純乎天理開悟發見超出手

冥迷之路參透乎玄妙之門

出羣迷徑入希夷門皈奉真宗達生榮界歸而求之則可以奉真宗真者不假他求宗者即北斗星君也達而曉此則可以生榮界榮者不生不滅界者人天境界皆值遇真經之功緣

於三元

上元正月十五日中午元七月十五日下午元十月十五日此三元三官主錄百司上詣天闕進呈世人罪福之日較量淺深會同斗宮故當行道轉經

八節

四立二至二分之日八景五帝下降記人善惡之辰也節炁推動以應命方有罪則災炁必臨有功則福炁必集皆當行道誦經也

本命

生年之甲子也六十日復遇一辰也

生辰
所生之辰為身中萬神聚會之日當行道

誦經以答星辰照臨之恩父母劬勞之德

北斗下日

正月二十五日二十六日二月初二日初七日二十三日二十六日三月二十六日四月十七日二十七日五月初五十三日

二十日六月初四初八日七月初四二十四日八月初三十一二十九二十七九月初三十八日十月初十二十六日十一月初一初九十七二十五日十二月二十日閏月從前月已上謂北斗下界遊行之日

又庚申甲子日每月三七日亦謂北斗下日也

嚴置壇場轉經齋醮依儀行道其福無邊世世生生不違真性不入邪見持經之人常持誦七元真君所屬尊號善功圓滿亦降吉祥
嚴者敬慎整肅之義置者立也壇場者即齋醮中所建之壇陛也轉誦經文依儀範嚴事行道其福力廣大普及一切茫茫而無畔岸生生世世嚮真背偽不失其真性所謂修行到此虛室生白自然吉祥至止

矣

即說北斗呪曰

北斗七星之呪本出天心正法驅邪治病無所不用實斗下靈文之大呪

北斗九辰中天大神

北斗九辰者七星與尊帝二星也呪中有九辰名故也後人改作七星則不見兩辰矣註云在天曰神在地曰祇在人曰鬼惟人處中修習之者可為神仙下可為靈祇不能修習者氣盡而死亡之曰鬼鬼復化人惟人者無所不通無所不化北斗為中天之尊為三靈之長故曰大神也一本作七者非

上朝金闕

玉京金闕虛皇上帝之都也北斗於三清

玉帝為臣故曰上朝

下覆崑崙

崑崙山天中之嶽也在八海之內上當天心形如偃蓋上廣下狹三成而上等天之齊萬度之心黃赤二道交會其上三先行

馬東曰崑崙西曰玄圃北曰閼風南曰積石大嶽水泉北戶山之四面各一萬里有瓊華之闕光碧之臺瑤池翠水西王母統眾真居焉山之絕頂上有金臺五所玉樓十二金城九重地生金根之樹瓊柯之林生素華之實瓊津玉泉紫萼翠鸞碧桃紫柰百寶裝嚴莫可紀述斗極所居之宮宮各五有五門門有四光爛照九萬里下統九炁八景持區各總一天四炁生育中為天柱上通天開總炁上元三十五分各為璇璣百大生主故曰下覆崑崙也

調理網紀

九辰乃皇極之胃理三五之數而調大化化之所出而有五行五事八政五紀三德稽疑庶政五福等用誠合人道而正紀綱所以克遵昊天舜齊七政者矣

統制乾坤

範圍天地包裹乾坤故曰統制也
大魁貪狼巨門祿存文曲廉貞武曲破軍
北斗七星君名也注見真形也

高上玉皇

斗中尊星也見者壽六百歲在斗魁內近

第一星

紫微帝君

斗中帝星也又號太微帝君見者壽三百

歲覆斗魁內近四星尊帝二星為萬象

之宗師眾星之攸拱北斗七真曰我祖師

北極歷劫以來勤苦香燈供養三清功成

德滿升入紫微出入有華蓋相隨星光常

七寶燦爛上徹諸天下照萬國每月初三

日二十七日下降察人善惡也昔汾陽王

郭子儀曾遇至人得占星之法云常以每

月初三二十七靜夜勿令人知陰下中

庭瞻視斗中或見二星光芒大如車輪者

即尊帝二星也見之勿語於人可得長生

子儀以國事未及奉行而有一女童曰還

車姐入室奉事於枕中竊見此語密而行

之得遂其見至宋朝猶在內中今北辰降

日乃出於此

大周天界細入微塵

陰陽之炁大而周天細而微塵何所不及也

何災不滅何福不臻

臻者至也集也凡有災殃悉皆消滅應有

福祥自然駢集所謂災障不干盡感生百

福者是也

元皇正炁來合我身

服元皇正炁訣云青黑黃赤白綠綠碧玄

光從一至於九服炁食元黃日與正炁合

七竅生華苞九年功行滿入侍九宸房法

曰元黃正炁八卦九宮之正炁降自九皇

而生萬有也第一陽明神人吐青炁之光

第二陰精神人吐黑炁之光第三真人神

人吐黃炁之光第四冥神人吐赤炁之

光第五丹元神人吐白炁之光第六北極

神人吐綠炁之光第七天衝神人吐絳炁

之光第八輔星神人吐碧炁之光第九河

星神人吐玄炁之光服炁之法常以正月

四月七月十月四孟之月上旬九日平旦

又以二月五月八月十一月四仲之月中

旬之十九日日之正中又以三月六月九

月十二月四季之月下旬二十九日之夜

半一月一日三過行之平旦日中夜半各

隨孟仲季月用也一年三十六過應三百

六十度之數以五為盈炁有餘也至行道

之日時清嚴入室燒香精思臨目閉氣叩

齒九通存見九宮星府神君端坐威儀侍

衛森然密呪曰北斗元辰中天大神至魁

魁魁魁魁魁專帝急急如律令但見九

炁從星注下流入口中隨氣吐納炁而吞

之細細吐故炁漸漸納新炁勿令耳聞九

色咽之都畢叩齒九通倏然都忘形神合

妙在坐臥行息動靜之間皆隨調適如此

依法行之九年九星神君降授兆訣養生

神仙上升三天結友聚真而與道合真矣

天罡所指晝夜常輪

斗杓在天運斗杓而不忒從子至亥一辰

移一位詩謂終日七裏者是也註曰月月

常加戌時時見破軍欲受正炁宜朝此方

俗居小人

乃奉道弟子自卑之稱如言濁世行尸凡
間穢質耳舊本俗字當註其半止餘下截
後人妄認其形湊填作恪字又作格字近
又隨音而訛為隔字

好道求靈
人之好其道奉玄靈之經訣以求其妙也
願見尊儀永保長生

儀謂形儀尊帝之真形也法曰願臣早見
見即長生

三台虛精六淳曲生我養我護我身形

已上註見前聖號內

魁魁魁魁魁魁尊帝急急如

律令

已上九星名諱並註見前聖號內凡持經
之士至此則當愈加誠敬法想尊容叩齒
而密誦之也

太上玄靈北斗本命延生經註卷中

太上玄靈北斗本命延生經註卷下 陰三

傳洞真註

老君曰凡人性命五體悉屬本命星官之所
主宰

性者天命之謂性命者化而不易謂之命

五體者兩手兩足并頭也本命星官者謂

六十甲子所屬本命星官也凡天之所賦

人之所受皆屬本命星官之所主宰無有

差忒

本命神將

神將謂本年年月日時并胎年月日時所

臨之辰謂之胎生八位神將陰陽男女逆

順運限神將及祿馬二炁神將本命從官

符吏等神也

本宿星官

二十八宿星君本宿星有二等一曰本命

年之宿直星君假如甲子年角宿值年即

是角宿天門星君為本宿星官也又一等

禽演以定胎息命星三位主於三元三限

之數亦曰本宿星官也

常垂蔭祐主持人命使保天年

天年之限百二十年世人能奉北斗延生

經法之道者本命神將本宿星官常加庇

護主宰人命可以全其本年

凡俗無知終身不悟

凡胎濁質自無知識終身不悟此理

夫本命真官每歲六度降在人間降日為本

命限期

凡遇本命之日即為期限六十日一度一

年六度真官降在人間又本命限期者一

百二十年通為二限六十年為一小限百

二十年名曰大限限盡即死若違犯禁忌

伐其命年則限數促若積陽功施陰德依

科禁戒貴天命者則其限展限既展矣命

其延矣

有南陵使者三千人

陽之所化三炁成神

北斗真君七千神將

陰之所化七炁成神

本命真官降駕眾真悉來擁護可以消災懺